

禹自我

縣以來民之安居樂業休養生息於其間者二百餘年矣自北  
鄉聯庄會劉化振倡亂於咸豐四年七月而民始知有兵燹之  
甚其後則七年十一月汝捻蕭況自角子山入境九年十月毫  
捻孫奎心入境十年前三月毫捻劉狗入境至同治二年八月  
劉狗小閻王等復入境四年五年馳驟往來幾成熟徑直至六  
年七月過境後乃遂不復入境而我民之遭其荼毒而焚掠者  
已指不勝屈泣斯土者既絀於勦賊之無術又痛於救民之無  
方蓋有目覩而心傷者焉茲際掃蕩之餘

朝廷優予恤典余既捐廉建祠合男婦兒女共二千一百餘名口設

位分祀諸祠義至重也典至隆也惟其間義男烈婦既有關於  
名教亦有裨於風化使不考其烈績而詳載焉其貞魂義魄不  
埋沒沉淪於地下者幾何後之人雖欲發其潛德而表彰之又  
將何所據以徵信於無窮哉故特擇其事之可知績之尤奇者  
立之傳余亦從而贊序焉以示激揚并付梓續入州志俟纂修  
國史者亦可得所考據以垂諸久遠襄其事者楊廩生景純趙廩  
生甲祥其設局而採訪者則有各鄉之紳士焉同治九年正月  
蓬萊宮國勳序

看萬自軍興以來所有殉難男婦稟報  
奏准得

旨旌卹者

宮老父臺大人已於城內建立忠節祠四楹會同闔城官紳送諸

神牌入祠以慰忠魂又面

諭生等

所有應報忠節遺漏者仍

准續報入祠且

諭爲各忠節立傳揚本流傳以示鼓舞其爲

吾禹人心風化計者深且切矣

生等

謹就存案所有原訪續訪

摘錄事實若干條彙爲男婦兩冊每冊卽以忠節總局陣亡殉

難遇害盡節程式分爲四等四等中原不論其人素行如何但

合四等情事卽爲忠節然臨時之操多本於平日之志故其人

或節義素著或賢孝可風苟爲

生等

所知者必追叙於本等忠

節之前以彰其美且於每傳前各標題目以醒目淺易其詞以便俗後留餘紙以爲贅論激揚之地

生等

愚昧所編未必盡合

謹奉稿本伏祈

父臺大人筆削更定彙選衆採一併刷板施行至於應報忠節

等

耳目不廣一時難以遍及遺漏恐仍不少容俟續採再行申

報以仰副

鼓舞之至意

楊景純

治晚

趙甲祥

頓首謹陳

列傳續

忠節傳

胡文炳痛父殺賊

胡文炳

黃榆店人庠生於同治四年皖匪擾豫負其繼母入柏山寨其兄負其父在後文炳卽擊回賊其父與兄比至

兄已被裹父亦爲賊所殺文炳大罵直前格鬪手刃一賊抱父屍痛哭爲賊亂戕而死蒙

貞節

卹

○贊曰等死也而以關於倫類者爲重以不共戴天之讐而橫刃而往豈復有死生利害之說存其中哉至殺一賊而以

身殉之其氣固已充塞於宇宙矣若胡生者可以風矣

張義生以身代祖

張義生

黃庄民人貧窮裸跣日挽小車轉賣煤土以給日用同治四年小閹王擾禹義生在城上見其祖亦年爲賊所

縛遂繼城而出挺身赴賊號泣哀求願以身代賊卽留義生  
赦其祖永年回約以洋燭贖永年入城急辦數兩轉付賊營  
奸人易之以偽賊遂縛義生而支解之○贊曰古人云不義  
而生不如義而死生以區區輦土漢輒能隨難直前不惜殺  
身以贖祖命大義凜然其不愧  
爲義生者此乃其所以生也

### 許萬鵬殺身救母

許萬鵬

王庄人其母爲賊所裹萬鵬憤不欲生遂盡鬻田三百  
餘人奮勇追趕救出其母衆爲義激呼聲震野與賊戰

於柏山之寨殺賊四人寡不敵衆而亡○贊曰  
與大敵角雖敗亦榮義哉鄉團奚啻異乎

### 王千總救村人不惜衰老

王鵬臨

王千總年七十九歲聞毫匪近先命其子護送  
村人未幾賊至村中男婦未及逃出者甚衆哀懇

望救鵬臨悉率之登山路遇二賊鵬臨持刀叱咤殺一賊一  
賊被傷而逃頃之賊大至鵬臨力不能敵而亡○贊曰老當

益壯雖  
死猶生

張味三禦賊衛母兼保鄉里

張書樂

字味三號靈岡道光丁酉科拔貢郡西王七樓人孺慕性成自孩提以孝聞父先母卒姑素三年未嘗見齒每

忌辰終日鬱鬱不怡事母善頤志咸豐庚申春晚匪騷閭三月二十五日奉母避亂中途賊猝至爾時鄉間無若去城又甚遠倉皇極難措處人曰陳崗有一土洞地類險鄉人逃居甚眾盍往避焉書樂遂負母急趨其妻子扶掖以行甫入洞賊接踵已至始而攀樹窺探繼卽縱火熏燒書樂防禦有法尚無害至二十七日賊勢益盛其母促書樂曰事勢如此諒難保全俟今夜汝攜二孫乘間潛逃庶不絕我張氏嗣不然吾母子祖孫無噍類矣言訖淚下書樂壯言慰母曰無憂凭高禦下一可當百吾與鄉人悉力堅拒賊奈之何母少解顏次二十八日賊攻圍甚急書樂知事不利開誠示賊曰吾身不惜任爾粉齏吾財不吝任爾取攜慎勿傷吾老母及吾鄉人垂繩令賊自入賊眾異之大呼曰此孝子也切勿傷其一入賊僅一人入洞掠取衣服數件而去洞中三百三十餘人俱無恙人以爲誠孝所感書樂舍命禦賊心力俱瘁兼之絕食五日勺水未飲賊退後病已作矣二十九日病篤初一日遂卒卒之日年五十三○贊曰捨其身而全其親並一鄉亦

托庇焉是之謂以其所愛愛其所  
不愛也噫微仁人難能爾於斯

### 鄭監侯倡義擊賊

鄭西銓

字監侯府庠生也祖居杏山之側世有積德生卽孤從  
王父暨伯父間字幼穎異讀書卽了大意長愈磊落英

多甫弱冠名噪泮水事孀母以孝聞性慷慨有胆畧居平以  
意氣自負聞賊狗惡狀輒髮爲之直慨然曰吾恨不得射風  
之矢揮日之戈削平此寇以清妖氛庚申春暮賊竄入禹遂  
募近村胆勇士三百餘人據村自衛賊數欲犯之不敢逼泊  
賊大至薄村廼率眾擊賊不利扶母且戰且走遂至杏山坡  
前依險布陣時賊漫山遍野而至廼伏母深谷中隱處再與  
賊鏖戰自辰至巳賊勢愈熾眾漸潰猶復攘臂大呼手誅賊  
數人遂遇害門人私謚曰毅州牧上其事蒙恩準建坊  
人祠○贊曰慷慨赴義修我  
矛戟烈烈正氣彪炳昇口

### 陳宜之伏義全兄

陳秉義字宜之太學生也郡北馬墳村人幼習儒業屢詣鎖院  
遂入監性醇謹質慤其言訥訥焉如不出諸口其貌尙

惻然若不勝衣惟臨利害遇事變則毅然之氣凌厲山岳  
不可動尤篤倫常用孝養敦友于自孺慕周歷花甲無間言  
庚申春暮聞賊狗漸近告兄曰賊至矣盡去諸兄曰吾壽邁  
古稀夫何懼且廬墓俱在將焉往及賊壓境又告兄曰事急  
衆盡去諸兄曰吾廬墓俱在將焉往乃並詣先塋前展拜畢  
侍立兄側賊突至欲屈兄以御馬役因誑之曰吾兄老矣不  
堪勞苦願以身伐賊義之兄得寔遁無恙兄去後遂罵不絕  
口而死伊子太學生王田武庠西田得半屍於塋側而痊焉  
○贊曰常棣花萼鵲鵲難  
急殺身成仁舍生取義

### 劉逢午罵賊不屈

劉逢午

郡北馬墳村人服先疇畎畝力農爲業平居儉樸自持  
無世俗雕琢習其貌若愚而膽勇絕倫庚申三月廿五

日從府庠鄭西銓擊賊狗杏山坡前當眾潰時午皆冒俱烈  
語銓曰先生勉旃生爲義民死爲義鬼復何懼哉言畢轉戰  
無前身被重傷蹶而復起者再全無懼怯力窮被執賊愛其  
勇欲脅入夥太罵不屈賊怒攢鎗刺之身無完膚乃絕○贊  
曰浩氣勁節厥由性生  
赴赴武夫公侯下城

# 汪伯玉罵賊擄女

汪伯玉

年六十六汪樓人也素性剛直爲妻兄王來聘託以孤子家務之重因而移居於張樓其人處事慷慨言語外

正視妻姪猶已子當時共稱其不負來聘所託也逮庚申年三月二十五日逆匪突至玉見賊擄一女於馬上遂罵曰爾等貪婪之輩壞人剛常必造天衍賊舍女與玉鬪女得脫夫玉爲賊推墜井中以火焚之其子歸聞人語得死於井中○贊曰託人之孤成人之家罵賊擄女汪君堪誇

# 張禮義不事賊

張禮

住鈞陽里二甲石羊村素性剛方精於字畫鄉人甚重之

中禮以不人賊巢爲辭賊怒以鎗刺禮禮空手奪鎗與賊交鋒戰數合奈寡不敵眾賊刺其喉而亡之時年七十○贊曰壯哉張君邪正克分舍生取義節操不羣

# 鄭汝霖擊賊殉義

鄭汝霖

郡比二郎廟村人積學未售與族姪鄭西銓爲竹村友以肝膽相許庚申春暮同倡義舉當先擊賊賊狗設計

左右攻之遂陷陣而死賊去伊子檢其屍身首異處目猶炯炯如生○贊曰藐茲儒生何關重輕慨然慕義投筆談兵一擊不中繼之以死頓水同清箕山並峙

### 朱明德舍生取義

朱明德

年四十九歲錫草里四甲厝庄人乃監生朱生光之父也當劉狗擒匪入境之時相從十餘人避難猝與賊遇

眾皆被虜公獨義不從賊奮然戰鬪久之寡不敵眾爲賊所傷○贊曰勇哉此公以一人而敢與賊戰雖不能勝而至死不屈亦可謂舍生取義

### 邊梅村據義責

耆民邊福

字梅村郡比錫草里六甲杏山人也性儉勤與僮僕同操作所寒暑雨不少解身披厚費而自奉一如衆

素博涉經史兼通韜畧尤精導引術善醫養年近八旬精神矍鑠能持長戟作旋風舞庚申春暮府庠鄭西銓倡義擊賊

福爲義所激力襄其事泊再戰不利鎗已遇害福拚死拒賊轉戰里餘力窮被執乃謂賊曰吾頭可斷吾志不可屈爾輩逆天害理王法不容吾恨不得見汝在斧鑕鼎鑊中也賊怒縛於磐石之上而斃馬○贊曰仁壽之域見此黃耆視死如

歸振耀  
字由

### 鄭孝先執義不屈

監生鄭善述

郡北馬庄人字孝先號師竹年七十九歲生員鄭宜蘭之父也素性耿介不諧時俗然量體容物與

眾無忤雖有非禮非義之加絕不與較咸豐庚申春毫匪騷禹鄉人流離多饑困者善述出穀相濟一村賴之同治五年

秋毫匪又至善述避亂唐凹寨賊眾圍攻守寨人力不能支寨破善述猶持兵與賊鬪遂爲賊縛始則欲其脅從善述不

屈繼欲其以金回贖善述仍不屈且賊淫暴殺掠善述目不忍觀屢以大義責之賊怒不容遂遇害

贊曰

舍命不渝宛符葩經堅守至義生順死宜其人雖沒其德猶馨卓哉師竹炳燭日星

陳甫德率眾救老稚

陳甫德談陳寨人皖匪擾禹大肆剽掠一時男婦被裹甚衆甫德奮不顧身偕同本寨陳效全陳啟鳳劉聚義胡甯持

槍追救將老稚盡行奪回送至平安寨中回鬪俱陣亡○贊曰可與五人墓並峙矣

劉官忠孝勸人

劉官

白庄人年七十二歲一介不妄取與平生以忠孝勸人賊至屢以大義責之賊碎其尸○贊曰尸雖碎而人以忠孝

完矣

路順守難聽天

路順

唐庄人年七十八歲舌耕鄉里品學端方每遇亂冬累親朋心常不安語妻曰吾貧人也與其入寨而常累他人何

如安貧守難以聽天命同治五年賊至順竟不去端坐學館叱賊曰爾輩橫行不法一時縱不逮賊天誅終不得免賊輟

殺之妻以隱得脫○贊曰聽天安命順受其正

程昆仲倡始禦賊

程殿俊

程庄人程嵩山族兄弟也皖匪擾禹二人合同族人程萬孝程敬程殿彥倡始禦賊衛護村落乃約勇敢一百

五十餘名在本村西南團聚誓同心協力以拒賊頃之賊騎百餘人從東方一擁而至殿俊嵩山等奮力廝殺交戰十餘合殺死執白旗者一人紅衣帶傷者五六人復有賊百餘人自南而來雨下夾攻勢不可支殿俊嵩山力竭陣亡餘俱帶傷而逃

李逢寅一鄉同心

李烱

字逢寅石龍村人幼業詩書久不成名去而學拳勇值天下亂

朝廷

詔舉保甲聯伍之法烱偕同志益精於戰陣擊刺專為團護村落計賓朋燕集談及時事輒慷慨目下馬讀書上馬殺賊

此固男兒事也咸豐九年皖匪掠禹境自北而南哭至石龍村村人促難逃哀號滿四野烱挺鎗叱咤溝數丈一躍而進奪賊馬三匹賊不敢近石龍而行明年賊復至大肆焚掠烱率鄉人柴其村外各礮口結陣而出爭先廝殺賊為之却

而附大至... 日紳聞豈不可特乎人心之不齊也聞程李之風者儒夫可矣立

### 李著曾刺傷賊首闔門盡節

李著曾

北塔塞童生世耕讀爲馬望族家法孝義清醇里人之談及者輒稱之曰好人家也咸豐十年三月二十五日

皖匪大股蹂躪禹境著曾親屬皆逃避其家土洞中已身白在門首瞻望未幾賊步騎突至漫過山野著曾挺鎗而聞賊叱之聲甚震刺傷賊旗首袁顯幾斃其命賊遂大喧聚殺著曾而裂其尸闔門老稚四十餘口盡作忠義之鬼矣○贊曰生爲好人家死作忠義鬼夫爾後可以生可以死

### 宋統西鳥鎗打賊闔門殉難

宋統西

宋鴻童生性好施與救疾病以藥餌恤飢寒以衣食皖匪擾禹一時男婦難於奔逃者盡令入其家土洞中備

極周盡至索洞中金銀婦女統因怒以鳥鎗打賊賊運柴獨下燃火煮之洞中老稚五十八名口俱遇害○贊曰一家

五十八口同時遇害可慘也聞吾登屬東陽桃花村素習拳勇某倡團同村爲保衛計及賊大至一村萬餘家無一存者至今思之同增浩歎

### 王金玉奮不顧身

王金玉孟庄人形體魁梧拳棒精通於同治四年二月十二日賀易襄邑行至賴橋東冀庄遇皖匪四騎金玉持短刀與賊戰賊不敵俱退忽引數騎來皆下馬持長鎗與金玉戰冀庄塞上人度金玉難支呼之速逃金玉奮不顧身殺三賊力盡陣亡○贊曰呼而不逃可謂壯矣獨惜賊只數騎耳以合寨之人併力而攻之當必有可以不死者乃呼之而不救哉何

### 殷鳳容老當以壯

殷鳳容神林店人年七十一歲素習拳棒工於擊刺神林店人年七十一歲素習拳棒工於擊刺神遇賊二

以年老腹枵力不能支陣亡○贊曰壯哉此老

樊會羣持鎗力戰

樊會羣

順店人年二十歲性直多力避皖匪西走白廟山爲賊團困羣勢窮持鎗力與賊戰殺數人賊大駭稍却頃之

賊益衆團射之矢集羣身亂如蝟毛陣亡○贊曰國家用兵以來安得盡如此人而用之哉

黃雙德提劍格鬪

黃雙德

順店人里中染工也性直諒多義行素爲里人所重皖匪突至雙德逃避不及爲賊所裏賊見其狀貌魁梧欲

收爲輔好語誘之雙德張目叱之曰逆賊無知吾豈爲汝用耶因提斷草劍與之格鬪賊盡披靡德且鬪且走至宋家園賊勢益衆德寡不敵衆而亡一時衆逃者咸訝其壯偉○贊曰今猶想見其揮刀酣鬪時

王繼勲力戰三磴

王繼勲

花石鎮人侍其祖母張氏避皖匪於三磴山未幾賊猝至欲脅之勲不從因與賊戰賊吹角集衆殺其祖母繼

勲號泣大罵奮戰愈力身受重傷因卧地抱祖母屍並死焉越四日里人得其屍面猶如生○贊曰死猶抱其祖母屍其